

Gvangjsih Minzcuz Bau

ganhau: CN45-0036 B.2020 Nd.4 Ng.15 liggaeuq gengcej nienz ndwensam ngeihsam

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3419 期

Dwzbauij Yen Yunguh Cuengh Gun Song Vah Cienz Gohyoz Bangrengz Fuengz Raq Guhhong Cungj Mbouj Nguh

Mboengqneix, aen yangh sawq-diemj yunguh song vah cienz gohyoz dieg minzcuz vunznoix henzguk daengx guk Dwzbauij Yen Duh'anh Yangh cawz laebdaeb yunguh Cuengh Gun song vah guh ndei cienz gij cihsiz fuengz binghraq, yiemzfuengz vunzlai aenvih "sam nyied sam Bouxcuengh" caeuq cingmingz caeqbaiq vunz doxcomz lai caeuq doxcomz gwnhaeux ngaiz cienz binghraq le, lij cauhamoq yunguh song vah cienz gohyoz, haeuj mbanj haeuj ranz, bae daengz gyang reih gyauej naz, haiguh denswj sanghvu, dajndaem gonengznuengx dajciengx nonsei, dinfwngz dajciengx, fuengz ndoengfaex feiz coemh daengj cwngcwz leih daengz vunzguhnaez, yunguh song vah songyauq dinfwngz dajndaem, bangrengz fuengz binghraq mbouj soengsat, seizcin dajndaem mbouj nguh seiz, ndawbiengz guhhong gvaq ngoenz miz bouhloh.

Lumjbaenz Duh'anh Yangh dang-

ciengz son'gyauq dajndaem gonengznuengx dajciengx nonsei, vunz son dinfwngz yunguh Vahgun gangj lwnz ndeu baenzlawz dajndaem gonengznuengx dajciengx nonsei ndei gonq, leuxcih yunguh Vahcuengh dangdieg gangj lwnz moq, daj gonengznuengx maj, leh dinfaex, dajndaem dei cax, dwk bwnh caeuq dajciengx nonlw, fuengz binghnonhaih daegbied dwg fuengzyw baenz binghnong gangj ndaej caezciengz, gangj hawj vunzlai rox caez, caemhcai q dangciengz son vunzlai dajndaem gonengznuengx. 16-60 bi goengrengz gungzhoj Duh'anh Yangh laeb dangjanq laeb gaj haenx, gyoengq nungzhoh daiqbiuj dajndaem gonengznuengx dajciengx nonsei yunguh sim dingq gangj, caemhcai q giethab gij saedsaeh dajndaem gonengznuengx dajciengx nonsei yunguh Cuengh Gun song vah cam boux son dinfwngz, yunguh song vah doxgangj cienz gohyoz gyalai

son'gyauq yaugoj.

Daj ndwen 1 doxdaeuj, Duh'anh Yangh gunguh guh 4 baez hozdung songyauq dangciengz yunguh song vah cienz gohyoz, vunzlai ndaej son'gyauq ca mbouj geijlai 250 vunzbaez, doenggvaq son'gyauq gyalai gij saenqsim caeuq gietsim vunzlai laisou, vut gungz baenz miz, ndaej daengz gij muzdiz vih yunguh bae hag. Ciuq cam rox, geij bi neix daeuj, Duh'anh Yangh dawz canjnieb hwngfat guh goek, doenggvaq yinxhaeuj aen giyez lingxdaeuz hwngfat canjnieb, gungganq cauhibe baenz miz daiqdaez daiqdoengh baenz miz, gunghawj son'gyauq dinfwngz daengj banhfap, haenqrengz doicaenh banggungz canjnieb hwngfat, guhbaenz le dawz makdoengj, nonsei guh daeuz, oij, gaujien, makgak, mou, gaeqnoh daengj guh bouj canjnieb gwzgziz lai yiengh.

(Moz Liujgvei Cangh Haijyingh Vangz Yui)

SIUSIK DINJ

● Vih doicaenh "seiq aen canjnieb iq", hawj ranzgungzhoj laisou, baujmaenh ranz caepcawq vut gungz ndaej dawzseiz vut gungz, ndwen 4 ngoenz 9, Lozyez Yen Lozsih Yangh fat gaeqlwg hawj ranz caepcawq vut gungz mbouj aeu cienz. Ciuq cam rox, Lozsih Yangh cingjhab ngaenzciengz 9.8 fanh maenz cawx 4900 duz gaeqlwg, fat hawj 96 ranz caepcawq vut gungz caeuq 2 ranz bingz mbouj hwnj gungzhoj mbouj aeu cienz, moix ranz ndaej 50 duz gaeqlwg.

(Vangz Yuiyingz)

● Mboengqneix, Cing-sih Si Sinhgyaz Yangh fat dinfaexmak hawj ranzgungzhoj Dungbingz Cunh mbouj aeu cienz, gunguh fat makgam, makdoengj daengj dinfaexmak 13405 go, miz 48 ranz 254 vunz ndaej leih. Daengz seizneix, aen yangh neix bineix gyoepsuenq diuhyinh dinfaexmak 72558 go, gomak dajndaem moq najdieg 967 moux.

(Vangz Luyingh)

● Vih gaijgez gij nanzdaez cunheizdij ginghci hwngfat, Denzyangz Yen aeu hong dangjgen caeuq cunheizdij ginghci hwngfat gaenjndaet doxgiet, youq Douzdangz Cin damqra guhbaenz gij vunqsik hwngfat "hozcozse + dangjcihbu", baengh aen hozcozse ciennieb dajciengx rwidog dangdieg haeujcoengh dinfwngz, daiq aen cin neix 8 aen cunh dajciengx rwi, moix aen cunh moix bi miz ca mbouj geijlai 2 fanh maenz ngaenzciengz cizdij.

(Vangz Cwngyiz)

● Bineix doxdaeuj, Lozcwngz Mulaujcuz Swciyen dingjmaenh yawhfuengz binghraq caeuq dauq guhhong dauq haihong song fwngz gaem, couzcomz 5 fanh aen goujcau soengq hawj daengx yienh 48 aen giyez, caemhcai q yunguh sim doidoengh gak hangh cwngcwz leih giyez doekdeih, hawj giyez dauq haihong doengrat. Seizneix, daengx yienh daengxcungq giyez gaenq cienzboh dauq guhhong dauq haihong.

(Mungz Cwnghsw)

Liujcouh:

Cunhag Sam Nienzgaep Dauq Hwnjdangz

Ndwen 4 ngoenz 7, Liujcouh Si Yungzsuij Myauzcuz Swciyen yiemzgek ciuq gij iugouz fuengz binghraq, miz bouhloh cujiz hagseng gaugaep cunhag sam nienzgaep caeuq cogaep cunhag sam nienzgaep dauq hagdangz hwnjdangz. Ciuq cam rox, daj baenz binghraq daeuj, Yungzsuij Myauzcuz Swciyen yunguh lai cungj banhfap guh ndei yawhfuengz, guh daengz daengx yienh mbouj baenz binghraq saek boux. Ndaw doz dwg lauxsae youq gwnz daiz hwnjdangz.

(Liu Swjyenh/廖子渊)

Nanzningz Si Minzcunghvej Soengq Saw Bangrengz Hong Minzcuz Doxgiet Cinbu

Bonjbauq siusik(gicej Moz Beibei) Ndwen 4 ngoenz 8 banhaet, aen hozdung yizsi soengq sawmoq 《Gangj Ndei Gojgaeq Minzcuz Doxgiet Nanzningz Sij Ok Hwngfat Biencieng Moq》youz Nanzningz Si Minzcunghvej cawjbanh haenx youq Nanzningz guh.

Baez hozdung soengq saw neix, Nanzningz Si Minzcunghvej soengq 1000 cek saw 《Gangj Ndei Gojgaeq Minzcuz Doxgiet Nanzningz Sij Ok Hwngfat Biencieng Moq》hawj Sihyanghdangz Minzcunghgiz, Hwngzyangz Gaihdauban, Funlingibwz Segih, Cunghvazlu Segih, Vansiu Cunh daengj aen danhvei caeuq bouxvunz

daiqbiuj.

Ciuq cam rox, cek saw 《Gangj Ndei Gojgaeq Minzcuz Doxgiet Nanzningz Sij Ok Hwngfat Biencieng Moq》dwg Nanzningz Si Minzcunghvej cawjbien. Cek saw neix gyoebbien le gij saeh cauhamoq aen danhvei guhyiengh minzcuz doxgiet cinbu caeuq dieggoek minzcuz doxgiet gyauyuz Guekgya Minzvej ancoh Nanzningz Si aeundaeh haenx, gij gingniemh guhhong bouxvunz mozfan ndaej swcigih baez daihbet minzcuz doxgiet cinbu byaujcangh, gij saehsaed senhcin ndaej daengx guk aen gyaranz ceiq gyaundeih caeuq gak gizdieg bouxvunz

senhcin, aeu mbouj miz seisim ok goengrengz, gyaez lwgminz vih lwgminz, gekleiz doxndei, doxbang doxcoengh, beixnuengx doxndei, gikcoi baenaj daengj gij gojgaeq neiyungz fungfouq, langhbaij Nanzningz Si mozfan okhingz vih coicaenh Nanzningz minzcuz doxgiet guh'ok gungyen yienhda hawj bouxdoeg yawj, danqhaenh gij yienghsiengq Nanzningz Si vunz gak minzcuz haenqguh baenaj, gij cingz doxgiet doxndei caeuq gij yienghsiengq cingsaenz gaenxguh baenaj, gietcomz caemhcai q fatyiengz le gij cingsaenz minzcuz hungmbwk seizdaih moq.